



Broj: 05/1-50-13-29-17-3/16
Sarajevo, 3.3.2016.

ZAPISNIK

17. sjednice Nezavisnog odbora Parlamentarne skupštine BiH

Sjednica je održana 3.3.2016., s početkom u 8 sati.

Sjednicu je sazvao Žiko Krunić, predsjednik Nezavisnog odbora.

PRISUTNI ČLANOVI NEZAVISNOG ODBORA: Žiko Krunić, predsjednik Nezavisnog odbora, Enes Obralića, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica, Miroslav Škorić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili i Zoran Brkić iz Sektora za odnose s javnošću Sekretarijata Parlamentarne skupštine BiH, Ljerka Bojić, rukovoditeljica Sektora za druga parlamentarna tijela, Vladana Savić, stručna savjetnica u Sektoru za druga parlamentarna tijela, te Dijana Šatara i Senad Zlatar, predstavnici OHR-a.

Sjednicom je predsjedavao predsjednik Nezavisnog odbora Žiko Krunić.

Konstatirajući da postoji kvorum za rad, otvorio je 17. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 16. sjednice Nezavisnog odbora;
2. Usvajanje Izvještaja o posjeti Nezavisnog odbora Graničnoj policiji BiH;
3. Informacija - odgovor Tužilaštva BiH, broj: A-I-468/15, od 10.12.2015., a zaprimljeno u Parlamentarnoj skupštini BiH 16.12.2015., broj: 05/1-50-13-29-13-8/15;
4. Razmatranje pritužbe Avaz-roto pressa, zaprimljene 23.2.2016., broj: 05/1-50-17-658/16;
5. Dopis Privremene zajedničke komisije oba doma Parlamentarne skupštine BiH za preispitivanje rada Nezavisnog odbora Parlamentarne skupštine BiH, broj: 01,02-50-14-517-3/15, od 15.2.2016., zaprimljen 23.2.2016.;
6. Tekuća pitanja.

Ad.1. Usvajanje Zapisnika 16. sjednice Nezavisnog odbora

Predsjednik Nezavisnog odbora Žiko Krunić otvorio je raspravu o ovoj tački dnevnog reda. Za riječ se javio prvi zamjenik predsjednika Enes Obralića koji je ukazao na jednu tehničku ispravku u dijelu završetka sjednice koja je završena u 9 sati.

Zapisnik 16. sjednice Nezavisnog odbora uz određene tehničke ispravke usvojen je jednoglasno.

Ad.2. Usvajanje Izvještaja o posjeti Nezavisnog odbora Graničnoj policiji BiH

Predsjednik Nezavisnog odbora Žiko Krunić otvorio je raspravu o ovoj tački dnevnog reda. Za riječ su se javili drugi zamjenik predsjednika Nezavisnog odbora Mato Jozić i, članica Nezavisnog odbora Adisa Begić, koji su ukratko informirali članove Nezavisnog odbora o sastanku s rukovodstvom Granične policije BiH koji je održan 17.2.2016. O ovom sastanku sačinjen je Izvještaj koji je jednoglasno usvojen, bez primjedbi.

U okviru ove tačke dnevnog reda donesen je i **zaključak** da će Žiko Krunić, predsjednik Nezavisnog odbora, Enes Obralić, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, i Miroslav Škorić, član Nezavisnog

odbora, prisustvovati konferenciji u sklopu Kick-off događaja koja se održava u Mostaru 16. i 17.3.2016., a na poziv Granične policije BiH.

Ad.3. Informacija - odgovor Tužilaštva BiH, broj: A-I-468/15, od 10.12.2015., a zaprimljeno u Parlamentarnoj skupštini BiH 16.12.2015., broj: 05/1-50-13-29-13-8/15

U uvodu u ovu tačku dnevnog reda predsjednik Nezavisnog odbora Žiko Krunić napomenuo je da je na zahtjev Nezavisnog odbora Tužilaštvo BiH dostavilo informaciju da se ne vodi istraga protiv direktora Direkcije za koordinaciju policijskih tijela BiH Mirsada Vilića. Dalje, predsjednik Nezavisnog odbora naglasio je kako je ovo pitanje još uvijek aktuelno i otvorio raspravu. U raspravi je učestvovala većina članova Nezavisnog odbora nakon čega je dogovoreno da se uradi transkript razgovora članova Nezavisnog odbora s direktorom Direkcije za koordinaciju policijskih tijela Mirsadom Vilićem koji je bio pozvan na 8. sjednicu Nezavisnog odbora i transkript razgovora članova Nezavisnog odbora sa zamjenicima direktora Direkcije za koordinaciju policijskih tijela BiH Urošem Penom i Miletom Jurićem koji su bili pozvani na 10. sjednicu Nezavisnog odbora. Također, na prijedlog Ljubomira Kuravice, člana Nezavisnog odbora, dogovoreno je da Nezavisni odbor zatraži od Direkcije za koordinaciju policijskih tijela BiH informaciju o tome da li je unutar Direkcije za koordinaciju policijskih tijela BiH proveden postupak utvrđivanja eventualne odgovornosti policijskih službenika Direkcije za koordinaciju policijskih tijela BiH koji su bili zaduženi za osiguranje premijera Republike Srbije Aleksandra Vučića i svih drugih visokih zvanica prisutnih na komemoraciji u Memorijalnom centru Potočari 11.7.2015. Dalje, članovi Nezavisnog odbora jednoglasno su donijeli

ZAKLJUČAK

Da se na osnovu dobivene informacije od Direkcije za koordinaciju policijskih tijela BiH, transkripta razgovora s direktorom i zamjenicima direktora Direkcije za koordinaciju policijskih tijela BiH, Izvještaja Ministarstva sigurnosti o događajima u Srebrenici na jednoj od narednih sjednica ponovo razmatra ovo pitanje.

Ad.4. Razmatranje pritužbe Avaz-roto pressa, zaprimljene 23.2.2016., broj: 05/1-50-17-658/16

U uvodu u ovu tačku dnevnog reda predsjednik Nezavisnog odbora informirao je članove Nezavisnog odbora da je pristigla koverta Državne agencije za istrage i zaštitu BiH, te da će je sekretar Nezavisnog odbora otvoriti u okviru razmatranja ove tačke dnevnog reda. Prvi zamjenik predsjednika Nezavisnog odbora Enes Obralić naglasio je i da smo po zaključku s prošle sjednice, a prije nego je pristigla pritužba Avaz-roto pressa, zatražili od Državne agencije za istrage i zaštitu BiH informaciju koja se odnosi na postupanje ovlaštenih službenih lica Državne agencije za istrage i zaštitu BiH, odnosno njihov ulazak u prostorije redakcije Dnevnog avaza 25.1.2016. Po otvaranju koverta konstatirano je da Informacija ima oznaku POVJERLJIVO-INTERNO i bit će predana nadležnoj komisiji Parlamentarne skupštine BiH koja je ovlaštena i certificirana od državnog sigurnosnog organa za čuvanje tajnih podataka u Parlamentarnoj skupštini BiH. Svi članovi Nezavisnog odbora mogu da se upoznaju s tom informacijom, ali samo u prostorijama nadležne komisije.

Dalje, u raspravi je jednoglasno dogovoreno da članovi Nezavisnog odbora posjete Državnu agenciju za istrage i zaštitu BiH radi pribavljanja dodatnih informacija u vezi s ovim predmetom i da se na osnovu pritužbe Avaz-roto pressa, Informacije koju je dostavila Državna agencija za istrage i zaštitu BiH te informacije nakon posjete članova Nezavisnog odbora Državnoj agenciji ovo pitanje razmatra ponovo na jednoj od narednih sjednica.

Ad.5. Dopis Privremene zajedničke komisije oba doma Parlamentarne skupštine BiH za preispitivanje rada Nezavisnog odbora Parlamentarne skupštine BiH, broj: 01,02-50-14-517-3/15, od 15.2.2016., zaprimljen 23.2.2016.

U okviru ove tačke dnevnog reda prvi zamjenik predsjednika Nezavisnog odbora Enes Obralić ukratko je informirao članove o dopisu Privremene zajedničke komisije oba doma Parlamentarne skupštine BiH za preispitivanje rada Nezavisnog odbora Parlamentarne skupštine BiH kojim traže da im se dostave određeni dokumenti Nezavisnog odbora. Jednoglasno je dogovoreno da im se dokumenti dostave.

Ad.6. Tekuća pitanja

U okviru ove tačke dnevnog reda Ljubomir Kuravica otvorio je pitanje parkinga za članove Nezavisnog odbora. Član Nezavisnog odbora Mate Miletić obavijestio je članove da je u

razgovoru s direktorom Službe za zajedničke poslove institucija BiH po ovom pitanju dobio informaciju da se rade novi pravilnici u vezi s mjestima za parkiranje.

Predsjednik Nezavisnog odbora Žiko Krunić zaključio je sjednicu u 9,40 sati.

SEKRETAR
NEZAVISNOG ODBORA
Ivana Lovrić

PREDSJEDNIK
NEZAVISNOG ODBORA
Žiko Krunić